

賴古齋集



賴古堂集

(清)周亮工撰

上海古籍出

上 海 市 上 海 路

印 刷 社 出 版

上海 市 印 刷 七 廠 印 刷
華 華 店 上 海 發 行 所 發 行
各 地 華 華 店 經 售

一九七九年五月第一版

一九七九年五月第一次印刷

開本：七八七乘一〇九二毫米三二分之一
印張：三又二分之一 檢頁：八 印數：一一一三〇〇〇〇部
統一書號：一〇一八六·八六 全三册 平裝本定價：三元五角

據南京圖書館藏清
康熙刻本影印原書
版框高一九六毫米
寬一三一毫米

賴古堂集卷之十二

澆水周亮工櫟園著

七言絕

題有介畫再送伯紫

鶼鷀聲裏草萋萋沙際舟停夕照低意內似曾幾度見微茫不記是何溪

一竿兩竿客思長送人只似去瀟湘到時但飲蓮

須酒風雨休過米友堂

有介堂名米友多好竹

東甌香

三月寒威不自持天畱一閏作春期卽今冀北單裘日已是閩南珍葛時

甌香醉卧醒始見前詩以一絕來答之

雷閨當春客意疑半年常住失前期
黑甜深處隨人喚醉裏歸心雨後詩

採蓮曲

鴛鴦影裏濕羅襟半面爲晴半面陰
折得蓮房閒擲却一絲牽引許多心

再步同人韻送徐存永遊大梁

獨上平臺看夕陽鄒枚賦裏雪猶香
舊時賓客知誰在修竹寒煙認大梁

清明送客可憐春弱柳閒搖陌上塵日暮夷門空
下馬不知誰是有心人

南人新學擁征鞍更比灘舟上水難倘使秣陵容
易到老親仗爾說平安

存永便欲由光固入秣陵

一夜魚龍覆汴城桃花水漲看君行免園入望迷
荒草詞賦何人重馬卿

夢華小錄紀東京花石猶傳宋代名莫向繁臺高
處望寒沙落日最傷情

弓衣短鋏擁黃塵村酒閒斟客思新磧裏桃花猶
未發羈人馬上已殘春

閩雪北雪十載情驪駒在門不忍行共憐鈎黨無
我子變易姓名入帝京

榆錢

東坡集卷十二
二
葦屋蕭條別樣貧交情偏見雨痕新莫慙逋券誰
相答點點榆錢浪擲人

御溝橋櫻桃

長安俠少舊金吾立馬牆頭自彈烏無數銀丸都
發盡隔林亂打紫珊瑚

重九和甌香韻

平翻松枯大江潮代笠茅蓬小似舠雙足自慚無
著處向天昂首當登高

藜杖空存瓠子壺牀頭錢盡不成沽奚童遙向籬
邊望可有龐通送酒無

重陽後一日寫羣鴉寒話歌賣錢沽酒

誰能隔宿對黃花度盡重陽更憶家欲換青銅沽
雪酒八分小字寫寒鴉

難教去盡外來姿老腕羞慙力不隨方疊共誇官
樣好阿誰解愛邵陽碑

重陽後二日得蕭伯玉許介壽兩家日記喜
其三數行一則易于作輒遂盡數葉

坐作同矜蕭伯玉疎狂獨愛許甌香連篇累幘真
難竟引睡能消字幾行坐作見袁本初傳

繁華猶夢東京好凋敝難爲白下情只有數行讀
不得故園舊事太分明子生株陵長大梁伯玉紀
大梁有介紀株陵事獨詳

十月十三大月下步過隣舍

護寒誰是早眠人竹柏陰森藻荇真只似當年無事客承天寺裏訪懷民

叔舉欲醉我反醉我酒去

陳家叔子酒中龍故挈空壺斂乃公潑盡瓦盆猶不去接籬倒著吸寒風

百罰溪卮已盡傾如君空負勝公榮老人懷抱難成醉却倚枯松看月明

芝麓今年試筆卽和予詩更雪中疊韻懷予

題後曰勝于開卷有懷介溪閣老也

慰我新詩逐字真吉祥筆墨履端辰如君亦是炎

涼思首憶傷心第一人

王壽格解杖頭錢買子清明卷復成
輕煙煖散五侯鯖慙愧親調折脚鎗華屋從來無
節序數錢珍重買清明

再次冠五韻送初荔

莫使啼痕近酒盃愁中次第看人回牆頭聽子讐
家客欲別聲吞不敢哀

憐君欲去更蹉跎弱柳垂垂思若何西務搖椿真
是別同來賓客已無多

六月十日紀事

豹頭山下海波寬對簿聲殘累箭瘢自分當時填

馬革敢煩具獄望天看

成城十萬衆人心遞進庭前淚滿襟此日若盧同

負鑽當時束卷有甘霖

閩士舊爲子鐫人成城

憩時數月不雨人心惶惑

司李公讞子千萬人遮

波平捷獻未央宮叢垢辭慙物望隆聞說中丞重

秉鉞應知幃幄重元功

予方聽中丞讞中丞乃上書首予功有物望素隆士

民愛
戴語

弓刀痕裏掠枯體夜夜雲陽市上遊自是

聖恩天廣大可憐猶問射烏樓

無題

公瑾空傳自飲醇龔黃異政許誰論寧知說餅梁

州客不是當筵顧曲人

小塚怡山荔子林驚傳細碎動天心下殤幸不煩
婚嫁扁鵲空傳肘後金

羈中題畫稊竹

弱枝亦有排雲勢逆石能爲宛轉生共道箬開新
樣好誰憐老雨打乾聲

題黃梁夢壁

九度邯鄲夢未休剎那身世等浮漚先生好夢何
曾學只學雲陽市上游

舟中載塔夢遼陽不信征車返故鄉痛定自悲真
自痛何曾世上有黃梁

渡河望中牟讀書處

圃田郭外葦蘆新艇子從人泛早春記得南陂櫓
苑事廿年不敢怨風塵

醉翁亭畔歐公手植梅三月朔猶未落前此
未有也南還閔子璿邀遊一截誌感

笛裏關山動客愁鄉園漸近強登樓故人心共梅
花好爛熳春風爲我留

辛丑清明哭先嚴慈柩前

柘楊水火與刀兵不識孤兒幾度生六載黃泉無
一哭人間獨我是清明

邢上重晤黃濟叔見其近畫漫題十絕

憶爾歸成我欲東深卮
望豈更相同疎燈再剪秋
花好却夢含毫板屋中
驢背霜寒客路艱
年前此日見君還
歸來不索荆關
畫得看江南別後山

憑教荒憬永相望
願始寧知有故鄉
萬劫誰能餘舊態
煙雲一見又商量

不祭臯陶筆亦奇
蒿牀薄醉墨淋漓
臨岐頗有荒唐話
並擢江山撫大癡

秫田菊徑久荒蕪
舊日籃輿近在無
念爾箴予應有意
倉皇急示五湖圖

好友能歸願未全
支筇日夕望征鞭
荒涼更莫圖

關塞爲報龍眠盡已還

時初聞龍眠方公舉室南還

勞君北望盼飛鴻
鳩杖重扶兩退翁
孺子相期胡不早
圮橋更爲寫黃公

夢外逢君淚漸收
依然明月舊邗溝
當時莫道無歸思
日勸黃癡寫釣舟

關前征雁肯南來
誰道窮邊是夜臺
待得長征人到後
同君細細寫龍堆

指龍眠

吮筆圓牆雨雪霏
煙巒再展事依稀
離邊濁酒真相勸
賴爾先還引我歸

題田雪龕小照

里社同君數夕晨
蠡臺林木幾經春
風波閱盡餘

枯坐誰識梁園賦
雪人

長年乞書

長年亦解索書忙
春水閒題杜老航
溽暑枯毫冰
樣冷不妨載入白雲鄉

阻雪淮陰項永伯以詩集見示漫成

亦識齊州九點煙
興闌只似剡溪船
孤篷未是寒
威積載得淮南白雪篇

寄野鶴

仙霞嶺外鶴飛還
著盡奇書但看山
不識塵沙何
自至勞勞客度穆陵關

畫圖曾識雪霜顏
諸縣閒門盡日關
鴈蕩龍湫曾

未識從君欲見九仙山

再渡滻山泊見西樵壁上詩有懷阮亭

敝車羸馬任教憇野草全枯路倍長惟有墨王亭
畔水空明與客憶王郎

渡淄河

五旬六度渡淄河不見牛山有翠蘿莫憶閩南春
夏好棗花香勝木蘭多

青酒苦澁求之士大夫家咸云乾醕嘉然絕
非甘載前風味矣

廿年常共酒人遊玉碗光承玉露柔頗怪新來乾
醉澁猶叨從事冒青州